

Ўзбекистон давлат хореография академияси ректори
Ш.М.Тохтаев

30 08 2023

ЎЗБЕКИСТОН ДАВЛАТ ХОРЕОГРАФИЯ АКАДЕМИЯСИ КЕНГАШИ ТЎҒРИСИДА НИЗОМ

1. Умумий қоидалар

1.1. Ўзбекистон давлат хореография академияси (бундан буён матнда академия деб юритилади) фаолиятининг асосий масалаларини кўриб чиқиш учун ректор раислигида кенгаш ташкил этилади ва унинг йиғилишларини олиб боради.

1.2. Илмий кенгаш ўз фаолиятини “Ўзбекистон давлат хореография академияси кенгаши Низом” асосида, қонунийлик, бошқарув ва коллегияликни марказлаштириш тамойиллари асосида амалга оширади.

1.3. Кенгашнинг асосий вазифаси – академия жамоаси саъй-ҳаракатларини қуйидаги масалаларни бажаришга қаратилган фаолиятини бирлаштириш ҳисобланади. Хусусан,

– кадрлар тайёрлаш Миллий дастурини амалга ошириш, замонавий педагогик технология ва ахборот технологиялари асосида юқори сифатли бакалавр ва магистрлар тайёрлашни таъминлаш;

– Олий таълимнинг давлат таълим стандарти ва малака талаблари даражасида мукамал билим, малака, кўникмаларга эга бўлган профессионал мутахассислар тайёрлашга йўналтиришдан иборат.

2. Академия Кенгаши:

– кадрлар тайёрлаш миллий дастурига мувофиқ давлат таълим стандартлари, малака талаблари ўқув режалар ва дастурларнинг қатъий бажарилишини кўриб чиқади ҳамда устувор масалалар бўйича тавсия ва топшириқларни белгилайди;

– факультетнинг ўқув, илмий-тадқиқот, ижодий, маънавий-маърифий ва тарбиявий ишлар тўғрисидаги, қабул комиссиясининг қабул натижалари ҳамда Республика хореографияга ихтисослаштирилган мактаб-интернат тўғрисидаги ҳисоботлар, шунингдек, маркетинг хизматининг халқ хўжалигида битирувчи мутахассисларга бўлган эҳтиёж, буюртмачи ташкилотлар билан ҳамкорлик алоқалари тўғрисидаги ҳисоботни эшитади ҳамда тегишли қарор қабул қилади;

– илмий-тадқиқот, маънавий-маърифий ва тарбиявий ишларнинг режалари ижроси, профессор-ўқитувчилар таркибининг малака ошириш ва қайта тайёрлаш масалаларини муҳокама қилади ҳамда тегишли қарор қабул қилади;

– академия ривожланишининг йиллик ва истиқболли режаларини тасдиқлайди, моддий техник таъминот ва молиявий-хўжалик фаолияти натижаларини муҳокама қилади ҳамда тегишли қарор қабул қилади;

– факультет ва кафедраларни очиш, тугатиш, ўзгартириш шунингдек, маркетинг хизматлари таклифларини ҳисобга олган ҳолда янги бакалаврият ва магистратура мутахассисликлари бўйича кадрлар тайёрлашни йўлга қўйиш ёки тўхтатиш билан боғлиқ масалалар бўйича қарор қабул қилади;

– “Олий таълим муассасаларига педагог ходимларини танлов асосида ишга қабул қилиш тартиби тўғрисида”ги Низомга мувофиқ профессор-ўқитувчилар лавозимларини эгаллаш учун танловлар ўтказилади;

– профессор, доцент илмий унвонини олишга интилаётган изланувчиларнинг ҳужжатларини кўриб чиқади ва белгиланган тартибда илмий унвонга Ўзбекистон Республикаси Олий Аттестация Комиссиясига тақдим этади;

– академия талабалари ҳамда профессор-ўқитувчиларнинг инглиз тилини билишини таъминлаш ва компьютер технологиялари, интернетдан фойдалана олишлари бўйича таянч кўникмаларни шакллантириш масалаларини муҳокама қилади ва чора-тадбирлар белгилайди;

– таълим жараёнининг ўқув адабиётлари билан таъминланганлигини, янги авлод дарслик ва ўқув қўлланмалари, шунингдек, инновацион таълим технологияларини қўллашга асосланган ўқув-услугий мажмуаларни тайёрлаш ва нашр этиш масалаларини муҳокама қилади;

– стажёр-тадқиқотчи-изланувчи, таянч докторантура ва докторантураларга номзодларни тавсия этади, уларнинг шахсий режалари ва диссертатсиялари мавзуларини тасдиқлайди;

– иқтидорли талабалар ва ёш педагог ходимлар таркибидан номзодларни “Эл-юрт умиди” жамғармаси орқали хорижий олий таълим муассасаларида иш ўрганиш ҳамда малака оширишга тавсия этади;

– академия иқтидорли талабалари ва стажёр-тадқиқотчи-изланувчилари сафидан Ўзбекистон Республикаси Президенти Давлат стипендиясига ва номли Давлат стипендиялар танловида иштирок этадиган номзодларни тавсия этади;

– асосий буюртмачи ташкилот, корхона ва муассасалар билан корпоратив ҳамкорликни ривожлантириш, моддий техник базани мустаҳкамлаш ҳамда талабаларнинг малакавий амалиёти самарадорлигини ошириш масалаларини муҳокама қилади ва уларни яхшилаш бўйича тавсиялар ишлаб чиқади;

– институт талабалари ва ходимларининг техника хавфсизлиги ва меҳнат муҳофазасини такомиллаштириш бўйича тадбирларни белгилайди.

2.1. Кенгаш академия ваколатига қирадиган ва коллегиял муҳокама этишни талаб қиладиган ҳар қандай масалани кўриб чиқиш ҳуқуқига эга.

3. Кенгаш таркиби:

3.1. Кенгаш таркибига академия ректори (раис), проректорлар, бўлим бошлиқлари, жамоатчилик ташкилотлари вакиллири, факултет декани, кафедра мудирлари ҳамда академиянинг етакчи профессор-ўқитувчиларидан вакиллар киради.

3.2 Кенгаш таркиби академия ректорининг буйруғи билан тасдиқланади. Маълум сабабларга кўра кенгаш таркибидан чиққанлар ўрнига, янги аъзолар сайланади ёки ўрнатилган тартибда таркибга кўшилади.

Изоҳ: Вазирлик топшириқлари ҳамда жорий ишлар заруриятидан келиб чиққан ҳолда кенгаш йиғилиши кун тартибига ректор кўрсатмасига биноан тегишли ўзгартириш ва қўшимчалар киритилиши мумкин.

Мазкур Низом академия кенгашининг
2023 йил “ 30 ” август даги
йиғилишида маъқулланган